

四庫全書

集部

欽定四庫全書

宋元詩會卷九十一

兵部主事陳焯編

楊維禎

字廉夫會稽人泰定丁卯進士署天台尹改錢清
場鹽司獨直寡諧十年不調後遷江西儒學提舉
未上值兵亂避地富春山徙錢塘張士誠屢招不
往又忤達實丞相自蘇徙松江主盟詞壇東南鴻
雅造訪其廬戶屨恒滿喜戴華陽巾披鶴氅吹鐵
笛作梅花弄因號鐵崖慕之者以為神仙中人也
明初徵詣闕廷咨考禮文兼定元史即以白衣乞
骸骨歸抵家而卒年七十五所著書數百卷其擬

古樂府尤

為擅場

赤堇篇

吳鉤父悖子楚邪臣逆君曷比赤堇精新鑄雙龍文作
世無價寶三鄉何足論倚天落旄頭仰日裂飛雲一怒
安天下持以奉至尊

海客行

海客朱雀航下有五鳳房三月發長干六月下淮揚清
絲牽白日羅幕西風涼大姬勸金露小姬彈空桑中姬

執藥饌調永浣肝腸海客睡不起明晏賽神羊

驪山曲

驪山鬱崔嵬宮闕金銀開月生鳩鵲觀雲遶鳳凰臺宮
中紅妝子調笑春風媒青鳥銜巾去乳鹿送花來天王
太白次地皇金粟堆石馬動秋色羌笛連暮哀只今瑤
池水八駿渴生埃

要離塚

金昌亭下路春草沒荒丘云是要離塚令人生古愁侏

兒三尺幹不佩雙吳鉤中包猛士膽白日照高秋忍死
屠骨肉視身若蜉蝣荆軻不了恨慶忌成身謀如何五
噫客死與爾同仇

香山篇

太湖西濱西
施種香之所

放舟脂塘曲盤遊湖上雷雷鳴湖雨作還泊香山隈美
人鬪香草上有九畹栽美人在何所塞芳招歸來露下
荆棘草鹿上姑蘇臺

紈扇辭

團團合歡扇似此月嬋娟
嬋娟有時缺我扇豈長圓
秋風落桐葉我扇同棄捐
不得如秋葉吹墜在君前

虎丘篇

路出女墳湖警蹕霸王驅靈池
飛霹靂枯塚走於菟
老禪猶點石仙鬼只疑狐
祖龍來發閔銀海翩飛鳧

詠古

騷雅去已久宮體爭哇淫
洛陽風一變枳性隨人心
鄉關思蕭瑟作賦哀江南
調入金釵臂亡國有餘音

采菱曲

簷下清塘好清塘勝若耶鴛鴦飛鏡浦
鷓鴣睡銀沙兩槳夾螳臂雙柳交犬牙
照波還自惜艷色似荷花袖惹紅萍
溼裙牽翠蔓斜大堤東過客背面在
蒹葭日落江風起清歌雜笑哇

道旁騎

春風扇官道官柳黃金條道旁百金騎
俠氣爭春饒竹間小桃花嬌如董嬌
嬌下馬隔花語疑是花中妖

梁父吟

步出齊城門上陟獨樂峰
梁父昂雉堞蕩陰夷鬣封齊
相殺三士杵臼不能雄
所以梁父吟感歎長嘯翁吁嗟
長嘯翁相漢起伏龍闕張比彊
冶將相俱和同上帝弃
炎祚將星墮營中抱膝和梁父
梁父生悲風

送客洞庭西

送客洞庭西雷堆青兩兩陳
殿出空明吳城連蒼莽春
隨湖水深風將潮聲長楊柳
讀書堂芙蓉采蓮漿懷人

金方尺八
卷九十一
故未休望望欲成往

夏駕石鼓詞

在夏駕山高一丈徑三尺下有盤石為足諺云石鼓鳴三吳兵

周家十園鼓散落陳倉野猶有夏駕石盤盤駕之下秦
鞭血山骨吳獵焦火野夏鼓建不拔石鳴知者寡父老
悲誠言山空石長啞

陳祖檜

在長興大雄寺檜中空裂為四支垂蔭半庭堅如金
石相傳陳高祖於梁天監年手植於此大雄寺即高

祖之故宅也

陳皇有遺宅迺在烏山中當時手所植花木羅青紅獨
有左紐樹閱世如龜龍懷哉手植人不見三閤崇後庭
種玉樹金井凋秋風

勸農篇

今日當假我縣守初出郭出郭到誰家田父有新約桑
陰抽戾戾石碕度略約田父喜我來醺酒出杯杓招徠
道上祇賣刀買黃犢水南駕魚梁水北築牆屋十分麥

上場兩番蠶上箔丞願吏不妖重願歲不惡呼婦殺黃
雞重話田間樂

家仕歎

小仕時為農古有當會稽豈皆食其官以官養旄倪千
金買作郡萬金收滿車三年遞郵傳誰以民為家

覽古

十二首

單父七絃琴為治務感興十金南門木立令務必行單
父有成言夜漁若嚴刑南門能徙木不能徙民情以此

知巧信不如拙而誠

恭儉漢天子取士忌少年未應絳灌徒庭中肯妨賢徒

為宣室召復有長沙遽不見馮都尉

唐

龐眉竟誰憐

郭解本大俠睚眦殺人威當其出邑屋獨不殺倨夷屬
吏脫踐更卒感肉袒來此事實近道可以俠少之

出關棄繻子南征笑狂生左右無黃髮淫夫挾之行戮
殺漢使者君臣起大兵尉佗羈漢綬何曾請長纓

子陵江海客本非沮溺倫仁義立奇論豈果忘吾民狂

奴作故態飄然歸富春客星犯帝座太史奏天文故人
信符讖三公等浮雲

董卓劫慈明

荀爽

次以及伯喈

蔡邕

子龍獨何人

申屠蟠

談笑

卻嗟嗟高視梁碣上片雲卷而懷古來高世士塵埃豈
能理

襄陽有高士生產不曾治何以遺妻子鹿門有深期籍
籍齒牙論龍鳳名諸兒諸葛拜牀下可是圯橋師

汝南許文休喪亂一驚士敢當諸葛拜合受蜀主鄙士

論推指南無乃失臧否乃知郡公曹排擯有公是

洛陽輕薄子挾彈走春嬉結交金谷友諂事賈午兒蔑
棄慈母訓乾沒不知幾感已賦閒居猶以拙自悲

我愛王懷祖面壁售人罵不比少掾時瞋目答米價褊
中頓有容坦之詎能過桓桓大將軍漢業在出跨

韓信卜母地旁置萬人廬郭公卜鄰水長洲偶成墟千
秋揚子寔投棄同江魚裸髮何為者厭魅開羣愚孰借
神丁火焚卻青囊書

鄭州跛男子

妻師德

識者惟客師

表客師

深沈有容量不為

同列知唾面戒其弟俛世一何卑君看白水澗沫額宣

駑資

按揚鐵崖詩集別本於西湖竹枝詞之尾附見和章
十數家而女子薛蘭英乃最後一人也蘭英所和止
於絕句而已其後接排覽古諸作仍係鐵崖集內詩
近見坊選竟以屬之蘭英此大誤也觀者辨之

簞策吟

張猩猩嗜酒復嗜音春雲小宮鸚鵡吟猩猩帳底軋胡
琴一雙銀絲紫龍口瀉下驪珠三萬斗劃然大豆爆絕
絃尚覺鶯聲在楊柳神絃夢入鬼工秋湘山搖江江倒
流玉兔為爾停月白飛魚為爾躍神舟西來大官坐桹
桹羌絲啁啁聽者惱張猩一曲獨當筵乞與五花金線
襖春風殘絲二十年江南相見落花天道人春夢飛蝴
蝶手弄金瓢合簧葉張猩猩淚如雨面如霞勸爾更盡
雙巨羅白頭吳娥年少歌金釭悲啼奈樂何

內人阮琴圖

為顧瑛作

花點吳鹽春欲老
翡翠飛來翦芳草
美人睡起春思深
彈絲拊木寫同心
荔枝五絃調急緩
阮家月琴軸初綰
須臾鈞天雙合樂
南熏殿中風動幕
梨園樂官樂不鳴
宮中之音和且平

內人吹簫詞

天寶年來教春坊
紫雲製曲吹寧王
美人何處竊九漏
耳譜亦解傳伊涼
鵲絃轉斷黃金軸
獨據胡牀弄橫玉

冶情忽逐野鶯飛十指紅蠶迷起伏御溝水暖浴鵝鵲
天地久無征戰聲芙蓉楊柳自搖落豈識黃雲邊塞情
西樓今夜月色午內人思仙望河鼓白日蕭條鳳不來
井梧風動神鳥語

內人剖瓜詞

轆轤索褪垂金井水殿風來晚花淨美人睡起袒蟬紗
照見臂釵紅肉影荔子漿酸搖左車阿母新進朱陵瓜
侍奴手浴井花冷水冰金盆擎掌窠鸞刀未破圓玉斗

斗破紅冰驚落手玉郎渴甚索相嘲可忍食殘團月四

屏風謠

瑠璃怯寒翡翠熱芍藥芙蓉四時絕深堂氣候異冬春
門外酸風箭入骨匡牀毵毵踏香雪紅姬扶醉醉眼纈
金缸燄燄照羅襪阿瞞嬌郎慎輕劣隙光射人如白日

西溪曲

西溪溪口東岡道楊柳陰陰春欲老花間繫馬我曾來
紅雨傷春迹如掃美人勸我金卮漿玉臺贈以盤龍寶

願作西溪一水魚
趣爾音顏為予好
城南將軍同醉倒
殯宮今已生春草

湖中女

湖中水滑如脂
湖中女芙蓉姿
湖中小槳蕩蓮葉
唱得吳王白雪詞
輕裾利屣踏雁足
為客高歌射明日
生年不作人家婦
東人西人喚恩主
主家薄倖恩不終
歸來抱瑟彈孤鴻

琵琶怨

蜀絲鴛鴦織錦綃
邏檀鳳凰斷金槽
絃抽斐繭五色毫
雙成十指聲嘈嘈
冢頭青草天山雪
眼中紅冰嵬下血
哀絃悽斷感精烈
池上蕤賓躍方鐵

周郎玉笙謠

絲竹之器貫古今而聲不可以變者惟笙也
潘安仁謂笙總衆清之林衛無所措其邪
鄭無所容其淫者是以樂記曰竹聲濫濫以立會
若笙又立會之要者故夔以儀鳳鳥接浮丘之仙也
於虜下俚哇沸笙

師之教幾歇矣金華周郎琦獨聰于此余嘗靈巖虎
阜間聞其奇哢令人飄飄然有伊洛間意時坐客句
曲張真居東海倪元鎮崑丘顧仲瑛雲丘張仲簡吳
興郟九成名能詩者也余為賦玉笙謠一首且率
諸君子同賦余又為引之如此

周郎學仙吹玉笙玉笙吹得丹山七十二鳳之和鳴曾
侍瑤池阿母讌坐中調笑董雙成謫向人間赤松洞洞
口桃花苦迎送南尋二女湘水頭十三哀絃不成哢西

洞庭東洞庭相逢鐵笛銅龍精從我吹春玉臺上叢霄
不許謝玄卿

毛女

沙丘腥風吹腐龍華陰毛竹藏雙魚

農叶

宮中雨露不可

食啖松啖柏留春容桃花流水迷紅霧十二峰頭度朝
暮自是嬋娟有仙骨入海徐郎豈知故衣沐雨鬢櫛風
榭葉楚楚山花紅秦樓舊鏡掩明月咸陽目送雙飛鴻

羅浮美人

海南天空月皜皜三山如拳海如沼綠衣歌舞不動塵
海仙騎魚波嫋嫋翩然而來坐芳草皎如白月升林杪
洗粧不受瘴烟昏縞袂初逢鴻欲矯手持君山老人笛
黃鶴新腔知者少江南吹斷桃葉腸雨聲夜落巫山曉

昭君曲

塞雁向南飛明妃西嫁幾時歸塞酥入饌損漢食朔風
中人裂漢衣朔音不通言語譯分死薄命穹廬域君不
見越中美人嫁姑蘇敵國既破還陶朱嗟嗟孤塚綠草

碧祇博呼名雙白壁

簞簞吟

春風吹船下揚州夜聽簞聲江月流
故宮搖落楊柳衰客子於邑山陽愁
明朝此聲不可求乃知朔客杜寬者
手持悲簞尋南遊茄拍中愁未休
龜茲角筚篥親編收王門歷盡及五
侯翩然鴻飛不可留簞材既訪柯椽
鏤更協鳳鳴崑崙丘卷蘆易地鳴隴
頭城南思婦歌牽牛欲絕未絕一縷
抽劃然石裂千丈湫呌噪鵝鵲飛蛟
虬

洞庭之水天東浮杜寬杜寬藝絕優藝隱豈比閔張儔
為君賞美酒不惜千金裘和我君山鏤邪笛與爾同登
黃鶴樓

李夫人

絕代一佳人美色如洛妃春月為作眉上顰秋水為作
眼中顰歌瓊蕤舞玉枝君王有情不自持玉枝一夜摧
瓊蕤一朝落君王之心何以樂若有人兮有若無來遲
遲兮去促促芙蓉葉上清露結晴光倒射金虹滅山為

雲海為雨何得分明夢中語素娥影沒百子池靈風吹散綵霞姿

虎威將

虎威將何鋒稜曾斬故人雙涕零不隨漢水死樊城歸國欲為秦孟明虎威將謁高陵不如白馬將先軫賜策圖丹青

的盧馬

大耳主呼阿盧阿盧努力託我千金軀檀溪水深不見

底阿盧一躍三丈餘君不見當陽橋汜水渡一雙羽翼
真都護豈知阿盧論功不在關張下

亂宮奴

亂宮奴錦襜褕淫如秦嫪毐驕如馮子都春風永巷花
龍駒內家官爵賤如土昨夜宮奴官上柱葦衣篋帶血
魂啼石子岡頭天嘯雨桓桓虎將吞熊貔燕席豈受宮
奴欺虎將死作椎鬼夢中擊奴奴不起

老馬戀棧豆

曹奐以桓範鄉里老宿特禮之及懿起兵召範範以車駕在外乃南出懿謂蔣濟曰知囊往矣濟曰範則智矣駕馬戀棧豆爾奐必不能用也範勸奐計皆不從奐乃投刀于地曰我亦不失作富家翁範笑曰曹子丹佳人生汝兄弟純犢耳何圖今日坐汝族滅曹真五子皆封侯真字子丹懿圍奐第四角起高樓令人在上察動靜

老馬戀棧豆棧豆不多時老駕老待死豈復千里馳哀

哀狔犢子身隨六龍飛老駕空獻策狔犢復何為狔犢
子窟室方聚麀五侯宅前起高樓智囊乃是都鄉侯

夕陽亭

夕陽亭馬超超車驅驅問高貴今何如夕陽亭行且止
白沙一信南風起千載髑髏夜生齒項成大府攝鬼豪
論功闕剪當塗高竹書小兒既有罪夕陽老魅誅何逃
於乎桐宮空斃金屑竿鴛鴦楹中牛繼馬

鳩酒來悲煬帝也

鳩酒來酒不來永巷閣門門已開十二小兒衣濺血咫尺抽戈猜阿孩破木衝錦纜斷播郎不到流珠堂蕭娘已逐行春館練帶巾髹榻板七寶焚衣孰長短

大健兒

唐太宗常曰當今名將惟李勣道宗萬徹而已勣道宗雖不能大勝亦不大敗至萬徹非大勝即大敗徹自建成敗後嘗隱于終南山晚節再出乃為房氏不肖子所陷君子惜之

燉煌有力士自稱大健兒氣吞黃狼纛義扶白鵲旗李
家春宮子去逐春宮起海池敵虬髯不識真天子天子
親評三大將鴨綠歸來肆驕宥快刀不斫兩牝妖臂足
甘為羣鼠葬老荆盜弄金烏丸手持血日夢中還何如
短衣足馬射猛虎老死不出終南山

石婦操

并引

石婦即望夫石也在處有之詩人悲其志與精衛同
不必問其主名也予為詞補入琴操云

我我孤竹岡上有石魯魯山夫折山華歲歲山頭歌石
婦行人幾時歸東海山頭有時聚行人歸啼石柱石婦
岑岑化黃土

大數謠

梁朝老檜昨夜死海聲已入西門市草中張伯懷璧子
丹餅有書誰識此小夫爭爵幾時休二十四老前無儔
黃金無方鑄髑髏樓船夢過西流洲更生靈香那得偷
大樹夜聽聲如牛

公無渡河

公無渡河河水清兮不見泥公身非水犀狂風黑浪欲
何濟公不能濟橫帆在河西青頭少婦泣血啼有年不
死將誰齊公死河靈伯妾死河靈妻

烏夜啼

并引

古樂府烏夜啼者宋王義慶妓妾報赦之詞予為補
之而少見規誠之義云

龍蔥高樹青門西夜夜栖烏來上啼報君凶報君喜願

君高樹成連理啼夜夜八九子莫使君家高樹移烏生
八九烏散飛

眉嫵詞

朝畫眉夕畫眉畫眉日日生春姿長安已知京兆嫵有
司直奏君王知君王毛舉人間事不咎人間夫婦私

胭脂井

井無水荒龍椅不得如巴馬子仰天夜見黃姑星水底
嚶嚶話紅鬼井中人不殉死宮人斜在雷塘趾

平原君

平原君起朱樓美人盈盈樓上居槃跚跛波彼何叟美
人一笑槃跚愁門下士引去不可留美人高價千金直
千金不惜美人頭君不見惟中婦女觀跛者一笑五國
生戈矛

馮家女

并引

漢司隸馮方之女也避亂揚州袁術見而悅之遂納
焉甚愛幸諸婦思害其寵語之曰將軍貴人也有志

節當時時涕泣憂愁以長見欽重馮氏從之後諸婦
因共絞殺繫之廁術誠以為不得志而死也

馮家女綠髮盤雙鵝離亂棄鄉土聘入將軍家將軍愛
幸諸婦妬顏色粹美無疵瑕掩鼻襲餘術淚眼啼春華
馮家女昨日堂上人今朝廁中鬼將軍不為疑司隸不
為理道傍古冢生棘榛千年古憤何由伸嗚呼古憤何
由伸

金臺篇

金臺起朔方金色照天光上有七十二鳳凰金居王食
高頡頏王不居心獨苦拜師禮士心逾下羣賢起南西
東國恥一洗黃金空十年燕雌今日雄君不見姑胥何
用黃金屋野鹿穿花豕銜蓀

大難曰

來曰大難君不知焦心敝力欲何為早知大難學安期
煉煮丹石服靈芝大藥誤死世所嗤不如美酒千日可
辟饑美酒不獲暢中腸千歲而死名為殤

白雪詞

凝雲蔦日日為黃白光
半夜漏東方廣寒兔老玉髮蛻
一剪剛風落人世錦宮肉屏香汗溶酒如春江飲如虹
彩鸞簾額不受捲酒面洗作梨花風階下獅子積不壞
十日瑤田換塵界金鉦取挂扶桑曉照見瑤田出寒芋

柏谷詞

柏谷險君勿趨君一趨龍為魚漿長豈識真龍軀賴爾
老婦能挽夫論報不賜誅漿長本無辜舉之羽林郎大

將軍可奴

蹋鞠篇

二首

江南女兒花娟娟
五花繡出葵花圓
蹋花上下雙文鴛
雙文鴛玉連瑱
髻斜斜馬初墮

金鞭齊停馬上郎
落花旋風掃毬場
繡輪擲過東家牆
東家牆噪雙燕平
頭奴握便面

邯鄲弄

二首

邯鄲市上美人家
美人小襪青月牙
繡靴對著平頭鴉

平頭鴉塌場下包銀壺馱細馬

裨翻柳腳垂青空水風吹亂秋芙蓉須臾氣喘如渴虹
如渴虹索銀癭轉輓轡飲金井

雉朝飛

琴操有雉朝飛多指牧犢子作據揚雄所記則曰雉
朝飛者衛女傅母之所作也衛女嫁齊太子中道太
子死問傅母曰且往當卷卷畢女不肯歸終之以死
傅母悔之取女所自操琴於塚上鼓之忽有雉出墓

中傳母撫雉曰女果為雉也言未畢雉飛而起故其
操曰雉朝飛予以牧犢予之歎不如衛女之善死有
闕世教也故賦以補舊樂府之缺云

雉朝飛一雄挾一雌雄死雌誓黃泥歸衛女嫁齊子未
及夫與妻青縞綰素結一死與夫齊人言衛女蕩且離
焉得塚中有雉飛琴聲鼓之聞者悲

賀絲詞

鳴鳩毋止棘止棘為摧薪女子毋賀絲賀絲為棄人相

逢誓作同穴親六禮一失結髮不終身外為狂夫暴內
為兄弟哂叶平寄語質絲女卜語不可信況乃卜非真

獨漉篇

古樂府獨漉篇為父報仇之作也太白擬之轉為雪
國恥之詞予在吳中見有父仇不報而與之同室處
者人理之滅甚矣為賦此詞

獨漉獨漉惡木濁

叶逐

仇家當族孝子免汙辱孝子軀幹

小勇氣滿九州拔刀鞘中睨父仇父仇未報何面上父

丘漆仇頭為飲器鬻仇肉為食噉頭上之天纔可戴

桓山禽

古樂府有上留田行上留之地有父死而兄不字其
弟者鄰人為弟作悲歌以風其兄南俗兄違父命而
虐其庶弟於父死之後者往往有焉故賦桓山鳥以
繼上留云

桓山鳥鳴聲一何悲嚴父戒二子分財無嫡支父死未
葬命已違兩枝荆花摧一枝嗚呼桓山鳥鳴聲實堪悲

死隔別生流離百鳥聞之為嗟咨

結襪子

古樂府有結襪子大抵言感恩重而以命相許也太
白擬之亦然予以結襪子屬張釋之張釋之天下稱
賢故為是詞

漢家九陛飛秋霜公卿聚會立朝堂王生何人談老黃
廷辱廷尉理不當廷尉跪結襪有如壯夫出跨下面無
慚色神洋洋君不見黃石公進張良夏侯章低孟嘗長

者之名從此歇

鍾離

鍾離女白頭深目凹鼻唇皮膚若煙面如塵手有五色
之綵線為君補袞成天文漸臺之君荒且悖明朝夷臺
作平地太子擇日正儲位鍾離在宮齊國治

梁家守藏奴

將軍椒房親跋扈闕如虎嗟嗟孫家兒豈識鳶肩主有
司夜捕拏藏婢及人母紫金與白珠沒入將軍府吁嗟

乎梁家婢何太苦不知將軍妻秦宮婦三主六宮七貴
人明日飛花亂紅雨

大唐公主遠嫁行

朔方聽謫忘劬勞外家未必亡飛鵠如何異族待同胞
丹鳳下與梟為巢君不見大唐公主親嫁辱終唐老鵠
來相鈔渡河歸來話涕泣後人猶以昏為交

城西美人歌

丙戌花朝後一日與客遊長城之靈山宴于城東老

人所時偕遊者城西美人靈山秀也酒酣作城西美人歌

長城嬉春春半強杏花滿城散餘香城西美人戀春陽
引客五馬青絲韁美人有似真珠漿和氣能消水炭腸
前朝丞相靈山堂雙雙石郎立道旁當時門前走犬馬
今日丘壟登牛羊美人兮美人舞燕燕歌鴛鴦蜻蛉蛺蝶
爭飛揚城東老人為我開錦障金柈薦我生栴榔美人
兮美人吹玉簫彈紅桑為我再進黃金觴舊時美人

已黃土莫惜秉燭添紅妝

修月匠歌

按酉陽雜俎太和中王秀才遊嵩山迷道見一人
枕幙而卧曰君知月乃七寶合成乎月勢如丸其影
則日爍其凸處也常有八萬二千戶修之予即一數
因作修月匠歌

天公弄九七寶鈿胞如琉璃折如線月宮匠人八萬戶
勅賜僊廚瓊屑飯什什伍伍入杳冥妙手持天輕欲旋

千斤寶斧運化鈞混沌皮開精魄見羿家奔娥太輕脫
須臾踏破蓮花瓣十二山河影碎中輪郭重完冰一片
縹緲長縣玉臼飛堅牢永絕妖蠶患封詞何用蟣蝨臣
功成萬古蒙天眷一歸蘭路不知年
兔于花開三萬遍
廬山瀑布謠

甲申秋八月十六夜予夢與酸齋遊廬山各賦詩酸
齋賦彭郎詞予賦瀑布謠

銀河忽如瓠子決瀉諸五老之峰前我疑天孫織素練

素練脫軸垂青天便欲手把并刀翦翦取一幅玻璃煙
相逢雲石子有似捉月僊酒喉無耐夜渴甚騎鯨吸海
枯桑田居然化作十萬丈玉虹倒挂清冷淵

三男辭

塗山鐵冶家張氏婦一產三男人以為奇事予獨稽
諸史傳而有唐檀子之隱憂焉

君不見羌人之妻產龍驚駱家之婦生虎狸造物或好
怪癡兒以為奇塗村鐵婦不畫眉健手能運千斤椎懷

姪弗知十月期一誕三子如母締鄰舍來賀子公相出
茆茨親戚來賀子車蓋生光輝里胥馳走聞有司三豎
內有麒麟兒陰陽者流來布推張家瑞鳳三聯枝我聞
其言信且疑壁扣古牒如元龜硤石三生未言瑞南昌
四孕徒招非有條給乳本句踐五羊十帛胡多儀他日
唐檀驗後事不如介葛聞三犧

題楊妃春睡圖

沈香亭前燕來後三郎鼓中放花柳西宮困人春最先

華清溶溶煖如酒，雪肌欲透紅。
薔薇錦襠卸盡流蘇幃，
小蓮敲擁扶不起，翠被卷作梨雲飛。
蟠龍髻重未勝綰，燕釵半落犀梳偃。
晚漏壺中水聲遠，簾外日斜花影轉。
琵琶未受呼喚促，睡重梨腰春正熟。
不知小裯思塞酥，夢中化作街花鹿。

盲老公

刺拜珠臺長也，戊戌十月二十三日，黨海寇用壯士
椎殺之。穆爾古蘓將黃中禽拜珠盡戮其家。

盲老公侍御史崇臺半面呼天子白米紅鹽十萬家鳳
笙龍管三千指門前養客皆天驕一客解散千黃苗太
阿之枋忽倒擲搥殺義鵬招羣梟一客死百客辱萬夫
怒一夫獨生縛老盲來作俘百口賤良一日戮獨遣小
娥年十五腰金買身潛出戶馱作倡家馬

銅將軍

刺偽相張士信丁未六月六日為龍井砲擊死

銅將軍無目視有準無耳聽有神高紗紅帽鐵篙子南

來開府稱藩臣兵強國富結四鄰上稟正朔天王尊阿
弟柱國秉國鈞僭逼大兄稱孤君案前大勢十妖嬖後
宮春艷千花嬪水犀萬弩填震澤河丁萬鍾輸茅津神
愁鬼憤哭萬民銅將軍天假手疾雷一擊粉碎千金身
斬妖蔓拔禍根烈火三日燒碧雲鐵篙子面縛西向為
吳賓

周鐵星

張氏亡國亡于其弟士信趣亡於毒斂臣周倜倜山

陽鐵冶予以聚斂功至上卿伏誅曰錢穀鹽鐵籍
皆在我汝國欲富當勿殺我主者怒曰亡國賊不知
死罪尚敢言是耶速殺之吳人快之或手額謝天曰
今日天開眼也

周鐵星國上卿談申韓為法經釘箠杖為刑千倉萬庫
內外盈十有三賦爭科名周鐵星鞭算箕斂無時停開
血河築血城血戰艦血軍營刮民膏吸民髓六肥赤骨
填芻靈齊雲倚天一日傾鐵星亡國法當烹尚將六肥

金谷數死丐萬一充虞衡嗚呼周鐵星十抽一椎百萬
釘誓剗爾骸作溺嬰鐵星碎地啓瞶天開顙

音盲

蔡葉行

刺倖佞臣蔡彥文葉德新張氏亡國由大弟致此實
由二佞丁未春二佞伏誅於臺城風乾其尸于秤刑
者一月

君不見僞吳兄弟四六七十年強兵富金穀大兄垂旒
不下堂小弟秉鈞獨當國山陰蔡藥師雲陽葉星卜朝

坐白玉堂暮宿黃金屋文不談周召武不論頗牧機務
託腹心邊策憑耳目弄臣什什引膝前骨鯁孤孤納囚
犴去年東臺殺普化今年南垣殺鐵木鳳陵剖棺取含
珠鯨海刮商劫沈玉鬻官隨地進妖艷龍貨無時滿坑
谷西風捲地來六郢下披竹朽索不御六馬奔腐木那
支五樓覆大越先罪魁餘殃盡拏戮寄謝悠悠佞倖兒
福不盈眦禍連族何如吳門市賣藥賣卜死亦足

張士按

誠委政於弟士信士信惟務酒色專用黃敬夫及蔡葉
三人時民間有十七字謠曰丞相做事業專用黃葉葉

一朝西風
來乾鰲

二月十二日玉山人買百花船泊山塘橋下呼瓊
花翠屏二姬招予與張渥叔厚于立彥成遊虎
阜俄而雪霰交作未果此行先以此詩寫寄就
要諸公各和

百華樓船高八柱主人春遊約春渚山塘橋下風兼雨
正值灌壇西海婦桃花街口小蠻孌腰身楊柳隨風揚
翡翠屏深未肯出蹋歌直待踏春陽喜聞晴語聲谷谷

明朝豫作花遊曲小蠻約伴合吹笙解調江南有于鵠
謝呂敬夫紅牙管歌

呂云度廟老宮人所傳物也滄江泰娘蓋敬夫席上
善倚以和余天忽雷者故詩中及之

鐵心道人吹鐵笛大雷怒裂龍門石滄江一夜風雨湍
水族千頭嘯悲激樓頭阿泰聚雙蛾手持紫檀不敢歌
呂家律呂慘不和換以紅牙尺八之冰柯五絲同心結
龍首曾把昭陽玉人手只今流落已百年不省愁中折

楊柳道人吹春哀北征宮人斜上草青青吳兒木石悍
不驚泰娘苦獨多春情為君清淚滴紅永

題伏生受書圖

瓜丘崩科斗藏典墳孰求楚左相金絲未壞孔子堂濟
南老生教齊魯綿絕禮官何足伍挾書嚴禁禁未開盤
詰誰能禁齋語百年禮樂當有興天子好文開太平百
篇大義喜有託十三女口傳嚶嚶太常掌故親往受百
篇僅遺二十九河內女兒還可疑老人屋中有科斗建

元博士孔襄孫五十九篇為訓文嘉唐悼桀空有詔孔
氏全經誰與論倪家書生能受學一篇薦上元非樸賞
官得列中大夫帝軌皇塗未恢擴漢家小康黃老餘烏
用司空城旦書益音闕師言治在何處後世徒走陳農車

陳農車漢
成帝時人

明皇按樂圖

大唐天子梨園師金湯重付軋犖兒何人端坐閱樂籍
三萬纏頭不足支龜年檀板阿蠻舞花奴手中花如雨

鈞天供奉真人上亦親搗汝陽鼓玉奴檀槽倦無力
忽竊寧哥手中笛邊風吹入新貢簫銅池夜夢雙飛翼
閣門邊奏塞黠聰耳譜更訪明月宮漁陽一震萬竅聾
梨園弟子散如雨惟有舞馬傷春風

冬青塚篇

老羝夜射錢塘潮天山兩乳王氣消禿妖尚壓龍虎怪
浮圖十丈高嵒堯文山老客智且勇夜舟拔山山不連
江南石馬久不嘶塚上冬青今已拱百年父老憤填胸

不知巧手奪天工冬青之木鬱蔥蔥六櫓更樹蒲門東

鴻門會

天迷關地迷戶東龍白日西龍雨撞鐘飲酒愁海翻碧

火吹巢雙猱猱

暗言范增項莊

照天萬古無二鳥殘星破月開

天餘座中有客天子氣左肱七十二子連明珠軍聲十

萬振屋瓦拔劍當人面如赭軍將下馬力排山石破青


天撞玉笋

警枕詞

吳越王錢鏐自少在軍中夜來嘗寐倦極則就圓木
小枕或枕大鈴寐熟輒敲而寤名曰警枕置粉盤于
卧內有所記則書盤中比老不倦或寢方酣外有白
事者令侍女振鈴即寤時彈銅丸于樓牆之外以警
直更者嘗微行夜叩北門吏不肯啓闕曰雖大王來
亦不啓乃自他門入明日召北門吏厚賜之

不睡龍醒復醒珊瑚圓木搖金鈴五花寶簾芙蓉屏銅
盤雪粉香淺清樓牆銅彈飛霹靂夜半更奴起辟易圓

木功無與敵吳越封疆平地闢四世三王安衽席



宋元詩會卷九十一

欽定四庫全書

集部

宋元詩會卷九十二

詳校官中書臣陸 湘

主事銜臣徐以坤覆勘

總校官知縣臣繆 琪

校對官中書臣王鍾泰

謄錄監生臣史元善

欽定四庫全書

宋元詩會卷九十二

兵部主事陳焯編

楊維禎

下

寄韓李二御史同年

揚子十年官不調
豈無詞賦列時髦
青冥遠隔新持斧
雨露猶同舊賜袍
共喜諸公當北道
却容獨客卧東皋
斗牛清夜能回首
一道豐城劍氣高

翡翠巢

羅浮花使先春到來傍
玉樓深處巢舞雪艷翻楊柳絮
歌雲輕壓海棠梢
屏開時露鴉頭
襪絃斷應銜鳳嘴膠
却笑雪衣娘太劣
雕籠深鎖未全教

多景樓

極目心情獨倚樓
荻花楓葉滿江秋
地雄吳楚東南會
水接荆揚上下流
鐵甕百年春雨夢
銅駝萬里夕陽愁
西風歷歷來征雁
又帶邊聲過石頭

至正二十三年四月淮南王左相微行淞江步謁

草玄閣夜移酒船宴閣所

微行誰識王丞相草履過門如野人太史遙遙瞻紫氣
老夫急急裹烏巾子陵故友終辭漢張祿先生又入秦
休說五湖天樣濶扁舟何處不容身

送貢尚書入閩

繡衣經略南來後漕運尚書又入閩萬里銅鹽開越嶠
千艘升斗買蕃人香薰茉莉春醒重葉撰栴榔曉饌頻

海道東歸閒未得法冠重戴髮如銀

和盧養元書事

中原煙火半丘墟樓櫓相望白下孤
蕃廝夜歌銅鈎鏐蠻姬春醉錦屠蘇
北征解賦盧才子西事時談劇霸都
莫上姓名丞相府老夫著論學潛夫

嬉春體

五首

錢塘湖上作

今朝立春好天氣況是太平朝野時
走向南鄰覓酒伴還從西墅買花枝
陶令久辭彭澤縣山公祇愛習家池

宜春帖子題贈爾日日春遊日日宜

西子湖頭春色濃望湖樓下水連空柳條千樹僧眼碧
桃花一株人面紅天氣渾如曲江節野客正是杜陵翁
得錢沽酒勿復較如此好懷誰與同

何處被花惱不徹嬉春最好是湖邊不須東家借騎馬
自可西津買蹋船燕子繞林紅雨亂鳬雛衝岸浪花圓
段家橋頭猩色酒重典春衣沽十千

今人呼段橋為斷橋可知其非矣

入山十里清涼國三百樓臺迤邐開岳王墳前弔東渡

隱君寺裏話西來接果黃猿呼一箇探花白鹿走千迴
風流文采湖山主坡白應須屬有才

楊子休官日日閒桐江新櫂酒船還叮嚀舊客兼新客
漫浪南山與北山好懷急就一斗飲佳人能作五絃彈
君看此地經遊輩彷彿春風夢未殘

又湖州作 三首

三月三日雨新晴相邀春伴冶西城即倩山妻紗帽辦
更煩小將犢車輕好語啼春秦吉了僊姿當酒董雙成

憑君多唱嬉春曲老子江南最有情

五十狂夫心尚孩未受俗物相嗔哂興來自控玉蹄馬
醉後不辭金當杯海燕來時芹葉小野鶯啼處菜花開
春衫已備紅油蓋豈怕城南小雨催

長城小姬如可憐紅絲新上琵琶絃可人座上三珠樹
美酒沙頭雙玉船小洞桃花落香屑大堤楊柳掃晴煙
明朝紗帽青藜杖更訪東林十八僊

無題效商隱體

二首

二月皇都花滿城美人多病苦多情一雙孔雀銜青綬
十二飛鴻上錦箏酒掬珍珠傳玉掌羹分甘露倒銀罍
不堪容易少年事爭遣狂夫作後生

一作不堪容易潘郎老爭遣施朱作

後生

天街如水夜初涼照室銅盤壁月光別院三千紅芍藥
洞房七十紫鴛鴦繡靴蹋踣誇新技羅帕垂彎鬪艷妝
願爾康強好眠食百年歡樂未渠央

寄小蓬萊主者聞梅磻并簡沈元方宇文仲美賢

主賓

羅浮主者是僊才東老諸孫亦俊哉風雨春城花落盡
江山故國燕歸來酒盟自有烏巾在笑口應隨皓齒開
十八僊人重會處劫灰不到小蓬萊

次韻奉答倪元鎮

坐斷深林事不聞西窓風日愛餘曛舊經高赤尋三傳
新咏山王削五君翠篠侵牀落蒼雪石池洗硯動玄雲
東鄰書屋最相憶莫遣草堂移浪文

富春夜泊寄張伯雨

春江大汎潮水長布帆一日上桐廬客星門巷赤松底
野市江郊淨雪初柱宿雞籠山頂鶴斗量紫網壩

一作沙

頭魚來青小閣在林表故人張燈修夜書

懷家

揚雄有宅鄭里莊閒丘野水舊耕桑碧山學士銀魚棄
錦里先生烏角藏自是秦人齊指鹿未能楚客廢屠羊
王侯螳穴一夢覺歸作槐陰審雨堂

遊開元寺憇綠陰堂

韋郎句中尋畫寂劫灰不盡綠層層
鴻文重記青城客
內典新傳瀑布僧
石佛浮江輕似葉
神珠照鉢隱如燈
杪櫛樹子風前落
吹傍恩公舊毳毹
音榻登西域毛席
大牀前小榻以上
香者

咏白塔

天山乳鳳飛來小
東渡衣冠又六朝
劫火不焚楊璉塔
箭鋒猶抵伍胥潮
燐光夜附山精出
龍氣春隨海霧消

獨有宮人斜畔月多情
猶自照吹簫

丹鳳樓

十二危樓百尺梯
飛飛丹鳳五雲齊
天垂翠蓋東皇近
地拂銀河北斗低
花靨秋空戎馬靜
神燈夜燭海雞啼
僊童與報麻姑會
應說蓬萊水又西

夜坐

雨過虛亭生夜涼
朦朧素月照芳塘
螢穿溼竹流星暗
魚動輕荷墜露香
起舞劉琨肝膽在
驚秋潘岳鬢毛蒼

候蟲先報砧聲近不待尊鱸憶故鄉

關山月

長城飲馬窟飲馬馬還驚寧知嗚咽水猶作寶刀鳴

聞雁篇

樓頭聞過雁隻影不成雙一夜狂夫夢相隨到九江

歸客誤

夜聞歸客騎玉轡鳴匝唳喚婦開西窓秋風響桐葉

自君之出矣

秋風吹羅幃玉郎思寄衣多情雙絡緯啼近妾寒機

燕子詞 二首

燕子將雛春又深不堪春思似秋心東郊春入車前草
蕩子馬蹄何處尋

燕子來時春雨香燕子去時秋雨涼鴛鴦一生不作客
夜夜不離雙井塘

小遊僊 二首

麻姑今夜過青丘玉醴催斟白玉舟莫向外人矜指爪

酒酣為我擘瑩篴

蓮葉舟高河漢垂黃姑玉女會佳期玉清久入衙城洞
莫遣成都賣卜知

班婕妤

長門不用買多才紈扇炎涼善自裁五鬼一言能寤主
秋飈愁殺望思臺

趙昭儀

通僊門裏春晝長侍兒新擁試蘭湯君王空散黃金餅

不見宮中赤鳳凰

馮小憐

前山校獵御同車
一笑平陽等戰蝸
換得侯衣纔上馬
琵琶已屬代王家

盼盼

塚上白楊今十年
樓頭燕子尚流連
銅臺多少叮嚀恨
誰向西陵望墓田

西湖竹枝詞

四首

家住西湖新婦磯
勸郎不唱縷金衣
琵琶原是韓憑木
彈出鴛鴦一處飛

勸郎莫上南高峰
勸郎莫上北高峰
南高峰雲北峰雨
雲雨相催愁殺儂

石新戶下水連空
飛來峰前山萬重
不辭妾作望夫石
望郎或似飛來峰

望郎一朝又一朝
信郎信似浙江潮
浙江潮候有時失
臂上守宮無日消

吳詠 五首

曾侍虛皇第二筵
鐵僊輕脫故依然
江州坐上初相見
還識人中孟萬年

杜牧尋君苦未遲
水晶宮裏舊題詩
小鬟莫詠腰如束
善唱白家楊柳枝

淮南八月雁初過
奉使槎迴烏鵲河
十里揚州花底散
五陵年少已無多

江上梅花鐵石心
江南腸斷越人吟
南垣閣老多情甚

才見花開便抱琴

黃菊初華客未歸
登高自試芻羅衣
真娘墓下好紅葉
伍伯祠前多翠微

宮詞 十二首

宮詞詩家之大香奩也不許村學究語為本朝
宮詞者多矣或拘於用典故又或拘於用國語
皆損詩體天歷間余同年薩天錫善為宮詞且
索余和什通和二十章今存十二章

雞人報曉五門開
鹵簿千官泊帝臺
天上駕鵝先有信

九重鸞駕上都迴

每歲此禽先駕往返

開國遺音樂府傳
白翎飛下十三絃
大金優諫闕卿在
伊尹扶湯進劇編

海內車書混一時
奎章御筆寫烏絲
朝來中貴傳宣急
南國宮娥拱鳳池

薰風殿閣日初長
南貢新來荔子香
西邸阿環方病齒
金籠分賜雪衣娘

宮錦裁衣錫聖恩
朝來金榜揭天門
老娥元是南州女
私喜南人擢殿元

北幸和林幄殿寬
句麗女侍婕妤官
君王自賦昭君曲
敕賜琵琶馬上彈

后土瑠僊屬內家
揚州從此絕名花
君王題品容誰並
萼綠宮中萼綠華

十二瑤樓浸月華
桐花移影上窓紗
檐前不插鹽枝竹
卧聽金羊引小車

金屋秋深露氣涼宮監久不到西廂丁寧莫竊寧哥笛
鸚鵡無情說短長

露氣夜生鵲鵲樓井梧葉葉已知秋君王只禁宮中蠱
不禁流紅出御溝

十三宮中善詞章長立君王玉几傍阿婉有才還有累
宮中鸚鵡啄條桑

蛾眉曠處不勝秋長帶芙蓉小苑秋肯為君王通一笑
羽書烽火誤諸侯

冶春口號二首

今年臘底無殘雪却是年前十日春
騎馬行春橋上路
寒梅花發更撩人

吳下逢春春思濃不堪花發館娃宮
吳山青青吳水白
愁殺江南盛小叢

書扇寄玉茁在瑤芳所書是日食金桃

昨日追隨阿母遊錦袍人在紫雲樓
譜傳玉笛俄相許

果出金桃不外求

先生以洪武庚戌夏五月
辛丑卒此詩其絕筆也

張憲

字思廉會稽人自號玉笥山人因名其集曰玉笥
明成化間全椒黃璫特為鏤版所作序言擬諸李
杜後出詞雖溢美而詩
清新典雅實有可觀

荆卿歎

白虹貫赤日易水生淒風燕人盡悲憤相送冀城中筑
聲何慘慼歌意哀無窮豈不念即往立堪羸政胸徘徊
有所待匪畏秦帝雄自恨劍術疎未易了君事秣馬膏
吾車我客久不至奈何遽相促苦未知人意丈夫重然

諾斷臂死不辭但憐樊將軍九泉終見疑咄彼死灰兒
曷足同等夷

巫蠱使

禪襪步搖冠曲裾紗縠衣偉哉燕趙士借問此為誰謁
帝登大臺利口興禍階能令親子恩愛一朝乖血濺
長安城屍橫泉鳩里雖族佞臣家不益儲君死望思思
不歸至今天下悲請聽三老議兒罪只當答

銅雀妓

陵樹日沈西秋風石馬嘶芳樽傾總帳詎意溼黃泥慘
慘笙歌合遙遙望眼迷玉人脆如草能得幾回啼

薄命妾

少長深閨裏面不識風吹自為薄情婦懶塗紅玉脂花
軒背春睡月樹惱秋思不嫁張京兆敢煩郎畫眉

胡姬年十五擬劉越石

胡姬年十五芍藥正含葩何處相逢好并州賣酒家面
開春月滿眉抹遠山斜一笑既相許何須羅扇遮

綠水謠

今宵何處月南浦
木蘭船半夜涼風起
荷花如錦鮮
莫剪莖上葉
水珠有時圓
且留泥下藕
要使根株連
鴛鴦不並翅
好事琉璃脆
解佩擲真珠
少酬交甫意

賣卜翁

三月長安道
雨過街樹綠
下有賣卜翁
危坐營握粟
舉口講仁義
旋式推禍福
不學賈大夫
憂來方賦鵬

雙廟詞

睢陽戰敗血漂杵力屈猶思為厲鬼
玄元祠前哭一聲
朝食愛姬暮羅鼠唐家宮殿秋草生
二十一陵如掌平
獨遺雙廟門前石日有行人來繫牲

唐五王擊毬圖

興慶宮前春正熱綠楊夾道花如雪
毬門風起日西斜
五馬歸來汗成血潞州別駕醉眼纈
雙袖傾敔擁岐薛
申王按鞚宋王馳杖撲毬囊手親挈
草平如掌馬力均
玉鞭十里不動塵黃門扶入五花帳
大衾長枕姁家人

花萼相輝雨氣寒樓中歌管漸闌殘紫騮不踏毬場路
萬里青驄蜀道難

中秋碧雲師送蟹

天風吹綻黃金粟檐前老兔飛寒玉客窓不記是中秋
但覺鄰家酒漿熟柳田秋霽稻未鎌葦箔竹籬收團尖
紅膏溢齒嫩乳滑脆美簇簇橙絲甜無腸公子誇饅饅
兩戟前驅終受縛壓心晝煖白玉臍夔牟夜泣紅銅殼
麴生風度亦可憐且對霜娥供大嚼酒後高歌繞碧雲

九峰一夜霜華落

青山白雲圖

青山青青白雲白一尺小溪千里隔扁舟
艤岸不見人雞聲何處秦人宅桃花流水春
粼粼不識人間有戰塵待得紫芝如掌大歸
來甘作太平民

李嵩宋宮觀潮圖

磁州夜走泥馬駒卧牛城中生綠蕪炎精炯
炯照吳會大築錢塘作汴都玉殿珠樓連翠
閣七寶簾櫳敞雲幙

生移艮岳過江南不數東京舊時樂茂樹盤盤迷綠雲
龍飛鳳舞峰巒奔玉牀下壓大江小海水正入東華門
木樨花開秋可數統統靈鼉振天鼓海門一線截江來
雪壁銀城晝飛舞吳商楚估千萬艘黃龍戰船頭尾高
豈無海道走中土長驅逐北來風濤煙霧蒼蒼繞城郭
屋瓦魚鱗互參錯百萬驕民事醉醺坐使中原盡剗削
因循六帝不復讐西風八月凭江樓攢宮人飲白骨恨
洪波不洗青衣羞邦基削盡師臣逐軹道人降子嬰哭

繡胸文頸踏浪兒反首誰能報君辱廟子沙頭卓大旗
天吳縮頸不敢馳行人指塔話楊璉三十六宮秋草飛
棲鶴峰

遼東失却丁令威赤壁夢裏橫江飛明河洲頭槎已爛
千歲去家今始歸晴峰歷歷入雲小獨立秋空望華表
華陽真逸上清來鐵笛一聲山月曉

鞠潭為顧子順賦

盤龍塘下潭如井百尺甘泉水雪冷瓊英一勺露生香

能黑華顙駐光景九月十月天雨霜七十二種分秋芳
粼粼曉碧卓倒景白者白玉黃金黃咀蘘之英飲潭綠
不數南陽舊甘谷童子開門濯帽紗報道新醕夜來熟

周昉橫笛圖

一婦跨鐙如習騎一婦鵲立類勇士一婦橫笛坐胡牀
容貌衣裳略相似蓬鬆雲髻作懶妝了鬟手擎紅錦囊
人言天寶宮中女我意梨園舊樂倡憶昔承平生內荒
宮中消息漸難藏昨宵一曲寧哥笛明日新聲滿教坊

春嬌滿眼情脉脉喚起紅桃親按拍不將三弄作伊涼
潛把閒情訴秦虢聲悽調低承索索砉然有聲如裂帛
月落長安天四更六宮一夜梨雲白

太真明皇並笛圖

黑奴絃索花奴鼓譟奴撫掌闍奴舞阿環自品玉玲瓏
御手夷猶親按譜風生龍爪玉星香露溼櫻唇金縷長
莫倚花深人不見李謩側足傍宮牆

鴻門會

雲成龍氣成虎椎鼓撞鐘宴真主披帷壯士髮指冠側
盾當筵請公舞白髮老臣心獨苦玉玦三看君不語五
星東井夜聯珠天狗欃槍落如雨鴻溝咫尺接鴻門千
里神騅一夜奔君不見龍泉影裏重瞳瞽玉斗聲中五
體分

朱虛侯行酒歌

長樂宮中女天子盛設賓筵懽戚里百官侍坐莫敢違
諸呂誼闐笑聲起御史中丞不糾儀叔孫制作成虛禮

朱虛奉勅起行觴手提三尺昆吾鋼田歌聲振野雞伏
頸血光寒漢道昌

玩鞭亭

畸烏壓營營作聲紅光紫電圍金鉦黃鬚小龍馬上笑
白首饑豺夢裏驚老奴怒擲珊瑚枕追兵起合琉璃井
巴馬東歸疾似風道傍遺糞如冰冷健兒空玩七寶鞭
荆臺老姥功誰傳

胭脂井

胭脂井瑪瑙玳瑁琉璃欄黃金轆轤銀綆寒桃花小波下
無底雌龍吞怨沈紅水妖姬不作井中鬼玉樹飛花落
如雨

送鐵崖先生歸錢塘

團花染累吳蠶繭五色文綾出金剪海風吹度滕王宮
南浦西山畫簾捲天狗夜吠聲如雷東奎西壁昏煤炰
上洲自可駕黃犢鐵箸何用畫寒灰牛酥燭花春未老
湖上同誰剪芳草真珠酒瀉紫蒲萄金錯刀鐫紅瑪瑙

六橋楊柳香霧深吳娃一笑千黃金莫邪不作老龍舞
鐵管自成丹鳳吟輾輿就別湖源道江花照人日杲杲
長風吹送書畫船先生眼空方醉眠

岳鄂王歌

君不見南熏門鐵爐步神矛八丈舞長蛇雙練銀光如
雨注又不見鐵浮屠拐子馬斫鏑鋼刀飛白霜貫陣背
鬼紛解瓦義旗所指人不驚王師到處壺漿迎兩河忠
義望風附襄鄧荆湖唾手寧朱僊鎮上馬如虎百戰經

營心獨苦賜環竟壞迴天功捲旆歸來卧樞府錢塘宮
殿春風輕嬌兒安宴醉未醒徒令功臣三十六舞女歌
兒樂太平虎頭將軍面如鐵義膽忠肝向誰說只將和
議兩封書往拭先皇目中血將軍將軍通軍術君命不
受未為失大夫出疆事從權鐵馬長驅功可以功成解
甲面赤墀拜表謝罪死不遲惜哉忠義重山岳智不及
此良可悲嗚呼肆讒言加毒手申王心循王口斬王湖
上乘驢走五國城頭帝鬼啼金人相酌平安酒

瑤池曲

曼倩啼饑桃未熟綺窓珠樹層陰綠上清童子晝臨關
鸞尾掃雲方種玉芙蓉畫闌春晝長簫韶一派起回廊
八龍未暇送周穆三鳥遽能迎漢皇風雨蒼蒼隔玄圃
不勞西望祠王母贈君桃核大如杯歸植茂陵陵上土

玉帶生歌

玉帶生端人也事文丞相為文墨賓與同館謝先生
翺友善宋革丞相殉國死計聞生與翺哭於西臺之

下復憫宋諸陵暴露私相蓋覆識以冬青木而去後
翺道卒生今歸於會稽抱遺老人與秋聲子輩為寮
中七客初宋上皇以丞相恩賜生紫衣玉帶今不改
其舊稱云

鸞刀夜割墨龍尾碾作端溪蒼玉砥花鑱鐵面一尺方
紫霧文光上書几銀絲雙纏玉腰圍翡翠青斑繡紫衣
金星鵠眼不敢現案上墨花皆倒飛景炎丞相魁龍榜
撫玩不殊珠在掌背銘刻骨四十四血錄至今猶可想

謝公古文今所師西臺一慟神血垂獨持老瓦出門去
冬青樹邊書憤詞天翻地覆神鬼怒九廟成灰陵暴露
廬陵忠魄上騎箕流落端生何所寓抱遺老人生計拙
愛把文章寫忠烈霜臺一夜電光飛不必矮桑重鑄鐵

寄天香師

圓帽頂紅毳方袍搭絳紗海龍邀早飯山鹿進秋花試
墨探倭紙尋泉鬪建茶時拋紅豆粒竹下喚頻伽

贈西僧

西離五印度東渡獨繩橋
海若擎雙足天花上七條
番經函貝葉飯鉢繫椰瓢
回首流沙路程途十萬遙

燈下有懷

憶昔童娉店高屯生夕曛
樹聲呼出月石角礙回雲
野雉穿花見清猿隔澗聞
馬頭三四子曾縛故將軍

取青樓夜飲戲葉子肅

酒令傳觴急燈花囓燭低
山人清似水老子醉如泥
天黑月墮地水寒星在溪
猶吹赤蹄紙照道畫樓西

顧野王讀書堆

昔聞野王宅今上讀書堆
篁竹最深處菊花時自開
天風響鐘磬海氣結樓臺
回首梁陳事悲歌付一杯

寄中山隱講師

問訊山中隱中山第幾重
風廊巡夜虎雲鉢聽經龍
流水千溪月寒巖一樹松
無因淨塵滓來共上堂鐘

柬顧明府

水國差徭重江城廬舍稀
曉星縣印出春雨勸農歸
官

馬哦新月公庭散夕暉欲知通守瘦但視野人肥

立仗馬

照夜玉後猊霜毛鐵鑿蹄春風金絡腦小雨錦障泥御
駕馳天上軍封受海西日供三品料絨口不聞嘶

春登永安寺

宿雨忽開霧凭高散旅愁野煙啼翠鳥庭草卧青牛怪
石尖於劍長杉高過樓尚懷登絕頂東北望杭州

天寶詞

林甫當朝日韓休罷相時新臺初納婦興慶又生兒王
柵籠鸚鵡金盤進荔枝內前車馬棘無地避諸姨

井西丹房

葛井西頭更向西丹房高與白雲齊鉛田虎下飛紅電
永海龍沈結紫泥山鬼俯欄窺火候爐神伏地乞刀圭
飲餘一醺中黃酒坐聽鶻聲樹上啼

席上得搖字

翠館行厨雪乍消牆頭新柳又垂條珊瑚枕煖人初醉

鸚鵡籠寒舌未調座上綵鸞珠插鬢掌中飛燕玉圍腰
海棠一夜東風軟落盡雲邊金步搖

東衛處士

傍山依水作幽居未減南陽諸葛廬卓行自成高士傳
浮榮不用辟書除烏絲小楷春題畫青簡長編夜著書
愧我紅塵走官馬計偕空詣漢公車

贈軒轅道士

予是彌明幾代孫姓名方使世人聞坐驚星斗生雷劍

動使煙霞繞練裙月裏白鸞招子晉山前青虎借茅君
長春酒熟朝朝醉高枕瑤琴卧碧雲

留別賽景初

暖雲將雨驟陰晴四月羅衣尚未成萬點愁心飛絮影
五更殘夢賣花聲方空越白承恩厚繡袖諸缺照道明
自笑窮途不歸去空懷漫刺隘閭城

良宵

良宵情緒不堪題立遍闌干意欲迷鐵撥頓敲壺口破

金刀頻剪燭心齊
綠分楊柳湘簾細
紅壓櫻桃斗帳低
彷彿第三橋畔宿
月明珠樹夜烏啼

次韻江鍊師

道人容貌似嬰孩
手挾天罡步斗魁
拄杖神遊却月觀
乘風夜上鍊丹臺
劍橫秋水蒼龍化
衣染春雲玉女裁
聞道蓬萊隔東海
芙蓉三朶翠成堆

投贈周元帥十韻

玉帳臨江近金城
鎮海遙鼓聲秋動地
劍氣夜衝霄露

下星河白風高草木凋山寒旗獵獵沙淨馬蕭蕭左廣
初傳駕西船已畏燒五離纔散鼠六博又成梟豪傑乘
時奮賢材早見招紫樞虛上座黃閨待清朝會見擒奸
操歸來醉小喬恩波門外柳長拂富春潮

林塘幽十四韻

勝境愜幽尋芳塘漾茂林浸天驚滉漾拔地見蕭森隔
水時聞磬穿花或聽琴青浮鰲弁小黑直蜃宮深躍藻
翻珍鯉爭枝墜野禽風回微作籟雲去尚留陰鶴起如

迎客龍歸若獻琛
蘿房依蔭庇寶筏
渡迷沈春雨移舟
坐秋霜倚杖吟興
惟便枕簟懶欲棄
冠簪住久將忘世
觀來已悟心埃塵
猶不到榮辱豈能
侵天樂朝朝下神
燈夜夜臨閭浮那
有此大士現潮音

佘山道中

老樹排雲石逕斜
炊煙起處有人家
一聲啼鳥春成夏
新綠滿汀浮柳花

題集賢枯木竹石

槎牙老樹響天風
寂歷幽篁泣露叢
惆悵玉堂舊公子
故家陵廟月明中

王翰

字用文仕元為總管至正末隱閩之永福縣觀獵山間大明一統詔至自縊死因改呼官烈其子檢討王偁字孟敬亦隱於此有讀書堂在龍泉山小雄澗後父子俱葬此山

題潮州罷學東亭

虛亭倚危磯
蒼莽澹無跡
幽人時往還
濯足坐苔石
芟荷露涓涓
浦葦風淅淅
物性機盡忘
上下皆自適
遙峰

敞空翠落日洞深碧悠然一舒嘯造化亘今昔聖門竟
淵邃世路何偪仄遐哉古人心日暮坐相憶

送銷子堅北上

亂象既無已中心恒不夷翩翩南林鳥厲翮無所依念
子將焉如慷慨與我辭西北有名將世秉仁義麾壯哉
國士心嘉會良在茲江漢有舟楫梁楚多旌旗時焉不
我與言念渴與饑明良際昌運允稱平生期

題菊

我憶故園時遶籬種佳菊交葉長青蔥餘英吐芳馥別
來二十載粲粲抱幽獨豈無桃李顏歲晚同草木及茲
覩餘芳使我淚盈掬離披已欲摧瀟灑猶在目雨露豈
所偏歲月不可復歸去來南山粲英坐空谷

秋懷

縣門扶桑弧丈夫四方績奈何中險艱零落苦相失涼
風天際來庭草淒以碧嗷嗷雙飛鴻宵征度寥閨物性
既如此予茲念何適寒聲在衣中心煩百憂集美人隔

天涯佳期阻良夕
鼎湖詎可招
平咸已難即
孤憤不自聊
長歌振巖石

送別劉子中

執手寒江濱
慷慨難為別
豈無楊柳枝
零亂不堪折
鴻雁西北來
嗷嗷唳晴雪
陽和忽已暮
旅况轉淒切
誰憐蘇子卿
天涯持漢節

與和仲古心飲分得詩字

淵明歸去時
不作兒女悲
視世如浮雲
出處得所宜
有

酒但歡飲戚戚欲奚為斯人不可見載歌停雲詩

題棘石圖

烈風號中林極目盡荆棘離離寒月秋莽莽古原夕冥
鴻振高翮鷦鷯鷯深跡奈此貞固姿蒼茫更秋色

寫望雲圖寄溫陵劉子中

開窓見停雲美人別經載以茲一時意聊寄千里佩暖
暖春復深悠悠歲云邁遲爾浩蕩心空山日相待

月夜坐悠然軒有懷

明月照我懷開窓共幽賞泠泠萬籟秋靜夜發清響山
川日脩阻之子獨云往長歌耿不寐相思發遐想

自決

昔在潮陽我欲死宗嗣如絲我無子彼時我死作忠臣
覆祀絕宗良可恥今年辟書親到門丁男屋下三人存
寸刀在手顧不惜一死了却君親恩

送陳同僉

馬首出城東將軍膽氣雄旌旗明慘雪笳鼓動悲風早

釋三邊恨寧誇百戰功相期春草色處處凱歌同

送張子方之江西掾吏

自脫京華服知君歎索居海隅清宦在天上故人疎挂
壁空長劍探囊得素書更陪驄馬去西望復何如

遊枕煙寺

石磴招提古松蘿暝不分排雲雙樹轉隔水一鐘聞林
影疑殘雨山光倚夕曛醉來歸路遠秋思正紛紛

夜宿洪塘舟中次劉子中韻

勝地標孤塔遙津集百船
岼回孤嶼火風度隔村煙
樹色迷芳渚漁歌起暮天
客愁無處寫相對未成眠

山房秋夜寄魯客

寂寞山居悄相思望轉迷
江空寒鴈落樹盡暮雲低
生事悲秋草交情憶剡溪
西齋愁不寐風雨共淒淒

題畫小景

萬籟秋聲近雙峰宿靄收
江涵林影碎野接曙光浮
蘿薜連書幌鶯花避釣舟
由來揚子宅寂寞閉丹丘

龍湖夜泊

小舟眠不得起坐待潮生漏淺壺觴盡江澄巾屨清沿沙除鳥跡隔水遞鐘聲悄似金山夜相看月正明

晚眺次林公偉韻

偶信東山屐尋幽到翠微白雲空野樹紅葉戀斜暉岼落潮初滿天寒鴈未歸風塵江海徧不上野人衣

靈源洞

旭日照高岑天風振遠林不分滄海色那識白雲心瑤

樹空香滿珠林積翠深坐來明月上何處起潮音

春日雨中即事

京洛繁華事已違懷人竟日掩空扉望迷楚岫聞啼鴉
思入秦川怨落暉野館蕭條芳草合寒江寂寞暮雲飛
落花片片隨流水惆悵關河淚滿衣

鴈湖

鴈去湖空野水深秋風吹客上遙岑丹楓盡逐孤臣淚
黃菊空憐處士心雨後諸峰浮夕靄霜前一葉送寒音

停車欲問當年事尺素何由到上林

王儼附

官烈山

晨光照墟里屋下春泉鳴驅牛出東阡且作農事耕不
惜筋力勩但願禾黍成遐哉鹿門意千古斯能并

遊小雄澗

陰島變殘雪新流吐溶溶偶尋一徑徹獨與采樵同兩
崖溼花霧泉竅吟天風雲根濯苔髮亂篠相冥濛盤巖

折磴道似覺冥摻窮石門忽中斷曠望開煙叢蘿雨澤
中屢松桂清心胸了然青川霞照此龍潭空始知人境
外別有僊路通

宋元詩會卷九十二